



NYNORSK

# Vedtekter

---

FOR NORGES BYGDEKVINNELAG

---

# INNHOOLD

---

Sist revidert juni 2016

## VEDTEKTER

---

### Side 3

- § 1 Føremålet med organisasjonen
- § 2 Hovedoppgåver og arbeidsform
- § 3 Medlemskap

### Side 4

- § 4 Organisasjonen
- § 5 Landsmøte/årsmøte

### Side 7

- § 6 Landsmøtets/årsmøtet sine oppgåver

### Side 8

- § 7 Styret

### Side 10

- § 8 Økonomiske ansvarsforhold
- § 9 Kontingent
- § 10 Fond

### Side 11

- § 11 Rekneskap
- § 12 Meldingar
- § 13 Endring av vedtektene

### Side 12

- § 14 Oppløysing av Norges Bygdekvinnelag
- § 15 Oppløysing av fylkeslag

### Side 13

- § 16 Oppløysing av lokallag
- § 17 Samanslåing av lokallag

## REGLAR OG INSTRUKS

---

- I Val av valnemd
- II Valnemda sitt arbeid

## HJELPEFOND

---

- s. 15 Vedtekter for Bygdekvinnene sitt hjelpefond

## § 1 Føremålet med organisasjonen

---

Føremålet med organisasjonen er å samle kvinner som ser meininga i aktive bygdemiljø og primærnæringane. Norges Bygdekvinnelag er ein partipolitisk nøytral organisasjon som skal ivareta kulturelle, sosiale og økonomiske interesser for kvinnene og bygdefolket, og byggje på likeverd, demokrati og kristen kulturarv.

## § 2 Hovedoppgåver og arbeidsform

---

Organisasjonen sine prioriterte oppgåver er sett i politisk plattform, budsjett, strategidokument og arbeidsplan.

## § 3 Medlemskap

---

- a) Alle som støttar Norges Bygdekvinnelag sitt føremål kan bli medlem av Norges Bygdekvinnelag. Medlemskap er personleg. Medlemmene er tilslutta eit lokalt lag. Der lokallag ikkje finst, er medlemmene organiserte i næraste lokallag eller i fylkeslaget.
- b) Støttemedlemskap  
Personar/institusjonar/organisasjonar som vil støtte Norges Bygdekvinnelag sitt arbeid, kan teikne støttemedlemskap. Desse har ikkje røyste- eller representasjonsrett.

## § 4

# Organisasjonen

---

- a) Norges Bygdekvinnelag sine medlemmer er organiserte i lokallag med årsmøte som høgaste vedtaksføre organ.
- b) Lokallaga i eit fylke skal slutte seg saman i fylkeslag. Det høgaste vedtaksføre organ i fylkeslaget, er årsmøtet.
- c) Norges Bygdekvinnelag, Norges Bygdeungdomslag og Norges Bondelag er gjensidig representerte i styra. Det bør vere gjensidig representasjon i lokallaga.
- e) Noregs Bygdekvinnelag har ein felles logo for alle organisasjonsledd. Denne kan nyttast med namnet på lokallaget, fylkeslaget eller Norges Bbygdekvinnelag.
- f) Lokal- og fylkeslag skal følgje organisasjonen sine vedtak, gjeldande vedtekter og styringsdokument. Lokal- fylkes- og sentralleddet skal handsame saker frå medlemmane. Om lokal- eller fylkeslag ynskjer å sende oppmodingar til sentrale styresmakter skal saka sendast til Norges Bygdekvinnelag for vidare handsaming.
- g) Leiarverv i Norges Bygdekvinnelag, fylkeslag og lokallag har ei makstid på 6 år samanhengande.

## § 5

# Landsmøte/årsmøte

---

- a) Det høgaste vedtaksføre organ i Norges Bygdekvinnelag er landsmøtet.
- b) Ordinært landsmøte vert halde annakvart år innan utgangen av juni, og skal så langt det er råd, haldast skiftesvis i dei ulike landsdelane. Fylkesårsmøta vert haldne årleg innan 1.april. Lokallaga held årsmøta sine årleg, innan 1. november.

- c) Landsmøte/årsmøte vert kalla inn av styret ved leiar.
- d) Ekstraordinært landsmøte vert halde når minst halvparten av styret eller når minst halvparten av årsmøterepresentantane krev det. Ekstraordinært fylkesårsmøte skal haldast når minst halvparten av styremedlemmene, når 1/4 av medlemmene eller når hovudorganisasjonen krev det. Ekstraordinært lokallagsårsmøte skal haldast når minst halvparten av styremedlemmene, når 1/4 av medlemmene i laget eller når vedkommande fylkeslag krev det.
- e) Landsmøtet skal kunngjerast minst 10 veker på førehand, fylkesårsmøtet minst 8 veker på førehand og lokallagsårsmøtet minst 4 veker på førehand. Alle med skriftleg varsel. Innkalling og sakliste/dokument for landsmøte skal sendast ut minst 10 veker før møtet, for årsmøte 2 veker før møtet. Ekstraordinært landsmøte/årsmøte kan kallast inn med 2 vekers varsel.
- f) Rett til å leggje fram saker for landsmøtet har Norges Bygdekvinnelag sitt styre, fylkeslag og lokallaga etter tilslutning i fylkeslag, Norges Bondelag og Norges Bygdeungdomslag. Saker som skal handsamast av landsmøtet må ha kome inn til styret minst 8 veker før ordinært landsmøte skal haldast. Framlegg til vedtektsendringar og endringar i politisk plattform må vere kome til styret minst 16 veker før ordinært landsmøte skal haldast.
- g) Rett til å leggje fram saker for fylkesårsmøtet har fylkesstyret, lokallaga fylkesbondelaget og fylkesbygdeungdomslaget. Sakene må vere kome inn til styret minst 8 veker før årsmøtet. Rett til å leggje fram saker for lokallaget sitt årsmøte har styret og laget sine medlemmer. Om lokale Bondelag og Bygdeungdomslag er representerte i styret har dei rett til å leggje fram saker. Sakene må vere kome inn til styret 3 veker før årsmøtet.
- h) Sentralstyret har rett til å leggje fram saker for landsmøtet som ikkje er ført opp på saklista. Det kan ikkje fattast vedtak i desse utan årsmøtet si godkjenning. Det same gjeld for fylkesstyret/lokallagsstyret og deira årsmøte. Saker som gjeld vedtektsendringar, politisk plattform og oppløysing av lokallag, fylkeslag eller Norges Bygdekvinnelag må følgje tidsfristane gitt i §5 bokstav e og f.

#### **I) LANDSMØTET ER SETT SAMAN AV:**

1. sentralstyret sin medlemmer
2. fylkeslaget sin leiar og 1 representant for kvart påbegynte 200. medlem i fylkeslaget.
3. 2 representantar valde av Norges Bondelag
4. 2 representantar valde av Norges Bygdeungdomslag

#### **FYLKESÅRSMØTET ER SETT SAMAN AV:**

1. fylkestyrets medlemmer
2. leiar av lokallaget pluss ein vald representant for kvart lag med inntil 20 medlemmar og ein vald representant for kvart vidare påbegynte 50. medlem.
3. 2 representantar frå fylkesbondelaget
4. 2 representantar frå fylkesbygdeungdomslaget

#### **LOKALLAGSÅRSMØTET ER SETT SAMAN AV:**

1. styret sine medlemmer
2. øvrige medlemmer

j) Alle landsmøte- / årsmøteutsendingar har møte-, tale-, forslag- og røysterett.

1. Styret har ikkje røysterett når det gjeld årsmelding, budsjett og rekneskap.
2. Møteleiar har ikkje røysterett.
3. Medlemmer av valnemnda har talerett i dei sakene valnemnda innstiller til.
4. 1. vararepresentant har talerett.
5. Generalsekretæren har talerett på landsmøtet.
6. Alle medlemmer og støtte-medlemmer av Norges Bygdekvinnelag har rett til å følgje forhandlingane i landsmøte/årsmøte, men dei har ikkje tale- og forslagsrett. Landsmøtet/årsmøtet kan i særskilde høve gje talerett.

k) Landsmøtet/årsmøtet kan vedta at enkelte saker blir handsama i lukka møte, og avgjer då korleis vedtak i desse sakene skal kunngjerast.

l) Kost- og opphaldsutgifter til landsmøterepresentantane vert betalte av Norges Bygdekvinnelag sentralt. Fylkeslaga dekkjer reiseutgifter for sine delegatar. Reisefordelingsprinsippet vert lagt til grunn. Norges Bondelag og Norges Bygdeungdomslag betaler sjølv for sine representantar.

## **§ 6**

# **Landsmøtet/årsmøtet sine oppgåver**

---

#### **MØTET SKAL:**

- a) velje 2 som saman med leiaren skal underteikne protokollen
- b) handsame styret sitt forslag til årsmelding for Norges Bygdekvinnelag/fylkeslag/lokallag
- c) handsame rekneskap med melding frå revisor
- d) handsame forslag til arbeidsplan
- e) handsame styret sitt forslag til kontingent og budsjett
- f) handsame melding og rekneskap for styre, utval og fond valde av landsmøtet/årsmøtetg)
- g)
  1. velje leiar og styremedlemmer med vararepresentantar for gjeldande organisasjonsledd
  2. personar med vararepresentantar til valnemnd for komande periode
  3. velje møteleiar med vara for komande landsmøte/årsmøte
  4. velje revisor/revisorar og fastsetje godtgjersle for tillitsvalde revisorar.
  5. etter forslag frå valnemnda fastsetje godtgjersle til tillitsvalde, godtgjersle for reise-, kost- og opphaldsutgifter, evt. andre godtgjersler
- h) handsame andre saker som vert lagt fram
- i) føre protokoll

# § 7

## Styret

---

- a) Norges Bygdekvinnelag sine organisasjonsledd vert leia av eit styre vald av landsmøtet/årsmøtet, sentralstyre, fylkesstyre og lokallagsstyre.
- b) Styret er ansvarleg overfor landsmøtet/årsmøtet for si verksemd og forvaltning av Norges Bygdekvinnelag sine midlar.
- c) Sentralstyret er sett saman av 9 medlemmer og 3 varamedlemmer. 7 vert valde av landsmøtet. 1 medlem vert vald av Norges Bondelag, og 1 medlem vert vald av Norges Bygdeungdomslag.  

Fylkesstyra er sett saman av 5-7 medlemmer og 2-3 varamedlemmer valde av årsmøtet, samt eit medlem frå Norges Bondelag sitt fylkeslag og eit medlem frå Norges Bygdeungdomslag sitt fylkeslag.

Lokallagsstyra er sett saman av 3-7 medlemmer valde av årsmøtet og 1-2 varamedlemmer, og eit medlem vald av det lokale Bondelaget og eit medlem vald av det lokale Bygdeungdomslaget.
- d) Mindre saker kan avgjerast av eit arbeidsutval på 3 medlemmer. Leiaren og nestleiaren er sjølvskrevne medlemmer av utvalet. 1 medlem vert vald av og innan styret. Vedtak fatta av arbeidsutvalet skal leggjast fram for styret.
- e) Styret har møte når leiaren fastset det, eller når minst halvparten av styremedlemmene krev det. Styret er vedtaksdyktige når minst halvparten av medlemmene møter. Ved likt røystetal avgjer leiaren si røyst. Generalsekretæren tek del i sentralstyremøta med talerett, men har ikkje røysterett.
- f) Styret kan når det er tenleg setje ned utval/komitear med 2 til 5 medlemmer og utarbeide instruks for desse.

- g) Styret sine oppgåver er å:
  - 1. leie laget sitt arbeid i samsvar med Norges Bygdekvinnelag sine vedtak, vedtekter og styringsdokument
  - 2. ta opp saker som er av interesse for medlemmene og laget
  - 3. handsame saker som blir sendt frå medlemmer/andre organisasjonsledd
  - 4. ha ansvar for rekruttering og medlemsverving
  - 5. administrere og føre nødvendig kontroll med organisasjonen sin økonomi
  - 6. førebu saker som skal leggjast fram for landsmøtet/årsmøte
  - 7. tilsette og avsette generalsekretær i Norges Bygdekvinnelag
  - 8. generalsekretær har fullmakt til å tilsette og til å utøve personalpolitikk etter retningslinjer gjevne av sentralstyret
  - 9. velje representantar til organisasjonar Norges Bygdekvinnelag er tilslutta
- h) Om eit lokal- eller fylkeslag fattar vedtak som er i strid med Norges Bygdekvinnelag sine vedtekter eller vedtak, kan sentralstyret oppheve vedtaket.
- i) Norges Bygdekvinnelag pliktar seg med underskrift av leiar og generalsekretær saman. Styret kan i særskilde høve gje fullmakt og meddele prokura. Fylkeslag og lokallag pliktar seg ved underskrift av leiar.
- j) Det skal førast protokoll over styret og arbeidsutvalet sine drøftingar. Det same gjeld for utval, nemnder og styre som er utpeika av styret.
- k) Alle val av Norges Bygdekvinnelag sine styremedlemmer vert gjennomførte med skriftleg votering når det gjeld leiar, nestleiar, styremedlemmer og vara-representantar til styret. Andre val kan gjennomførast ved andre voteringsmåtar med årsmøtet si godkjenning. Kravet til godkjende val ved skriftleg votering er meir enn halvparten av dei leverte/registrerte røystene - absolutt fleirtal. Blanke røyster tel. Får ingen av kandidatane absolutt fleirtal, må ein foreta ny votering. Får heller ingen av kandidatane absolutt fleirtal i andre valomgang, blir det bunde omval mellom dei 2 kandidatane som har fått flest stemmer. Blir det likt stemmetall i denne valomgangen, vert valet avgjort ved loddtrekking.  

På fylkes- og lokallagsnivå skal det gjennomførast skriftleg val om det er fleire kandidatar til eit verv eller når nokon krev det.

## § 8

### Økonomiske ansvarsforhold

---

Norges Bygdekvinnelag er ikkje ansvarleg for dei økonomiske og organisasjonsmessige vedtak og disposisjonar som lokallag og fylkeslag gjer med mindre desse er lagt fram og godkjente av Norges Bygdekvinnelag sitt styre.

## § 9

### Kontingent

---

Medlemmene betalar årleg lokallagskontingent, fylkeskontingent og sentral kontingent direkte til Norges Bygdekvinnelag. Når betalinga er kome inn til sentralledet, vert lokal- og fylkeskontingent ført tilbake til det respektive lokal- og fylkeslag. Den sentrale kontingenten og kontingenten for støtte medlemmer vert vedtatt av Norges Bygdekvinnelag sitt landsmøte. Fylkeskontingenten vert vedtatt av fylkeslagsårsmøtet og den lokale kontingenten av lokallagsårsmøtet. Kontingenten skal vere betalt til Norges Bygdekvinnelag innan 15. februar.

## § 10

### Fond

---

- a) Etter godkjenning av landsmøtet kan Norges Bygdekvinnelag setje av midlar til fond som arbeidsfond, driftsfond og liknande. Desse fonda vert disponerte av styret i Norges Bygdekvinnelag om anna ikkje er vedtatt.
- b) Fond med eigne styre disponerer fondet si avkasting etter gjeldande statuttar. Melding og rekneskap skal leggjast fram for landsmøtet/årsmøtet i Norges Bygdekvinnelag/fylkeslag/lokallag.

## § 11

### Rekneskap

---

Norges Bygdekvinnelag skal ha eige spesifisert rekneskap som er revidert av offentleg godkjent revisor. Rekneskapen følgjer kalenderåret. Fylkeslag og lokallag skal ha spesifisert rekneskap som følgjer årsmøteperioden, revidert av 2 årsmøtevalde revisorar.

## § 12

### Meldingar

---

Lokallag, fylkeslag og faste utval har plikt til å gje meldingar og opplysningar som styret i Norges Bygdekvinnelag ber om. Tillitsvalde som representerer Norges Bygdekvinnelag i andre organisasjonar, komitear, utval og liknande må gje styret i Norges Bygdekvinnelag melding om sitt arbeid. Slike tillitsvalde kan ikkje gjere Norges Bygdekvinnelag ansvarleg utan etter særskilt fullmakt.

## § 13

### Endring av vedtektene

---

Endringar i Norges Bygdekvinnelag sine vedtekter og politiske plattform kan berre gjerast på ordinært landsmøte i Norges Bygdekvinnelag med 2/3 fleirtal. Forslag til endring av vedtektene og politisk plattform skal vere sendt til fylkeslaga og lokallaga til uttale 3 månader før årsmøtet vert halde.

## § 14

# Opplysning av Norges Bygdekvinnelag

---

Vedtak om oppløysing av Norges Bygdekvinnelag må fattast av 2 årsmøter etter kvarandre med 3/4 fleirtal av dei årsmøteutsendingane som er til stades. Frammøte av det totale talet representantar må vere minst 75% av valde delegatar.

- Det må vere minst 6 månader mellom dei 2 årsmøta.
- Forslag om oppløysing må på førehand - seinast 3 månader før årsmøtet - vere sendt lokal- og fylkeslaga til uttale.
- Om Norges Bygdekvinnelag blir oppløyst, avgjer det siste årsmøtet med 3/4 fleirtal korleis eventuell formue skal brukast.

## § 15

# Opppløysing av fylkeslag

---

Vedtak om oppløysing av fylkeslag må fattast av to årsmøte etter kvarandre med 3/4 fleirtal av årsmøtet sine frammøtte medlemmer. Frammøte av det totale talet valde representantar på årsmøtet må vere minst 50 prosent. Om ikkje kravet om 50 prosent frammøte, anten personleg eller ved fullmakt, vert innfridd, skal saka sendast til styret i Norges Bygdekvinnelag.

Innkalling til ekstraordinært årsmøte kan ikkje skje før tidlegast to månader etter første årsmøte. Forslag om oppløysing må på førehand og seinast tre månader før første årsmøte vere sendt lokallaga for uttale. Styret i Norges Bygdekvinnelag skal ha skriftleg melding om forslaget seinast tre månader før første gangs handsaming.

Ved oppløysing av fylkeslaget skal laget sitt bankinnskott og kontantbeholdning gå til Norges Bygdekvinnelag sitt oppstartsfond. Laget sitt arkiv og fast eigedom skal gå til Norges Bygdekvinnelag. Fylkesstyret har ansvar for å fordele laget sine øvrige eigendelar.

## § 16

# Opppløysing av lokallag

---

Vedtak om oppløysing av lokallag må fattast av to årsmøte etter kvarandre med 3/4 fleirtal av årsmøtet sine frammøtte medlemmer. Innkalling til ekstraordinært årsmøte kan ikkje skje før tidlegast to månader etter ordinært årsmøte. Fylkeslaget og sentralstyret i Norges Bygdekvinnelag skal ha skriftleg melding om slike forslag seinast to månader før første gangs handsaming. Om laget ikkje lenger har betalande medlemmer til å gjennomføre ekstraordinært årsmøte får Norges Bygdekvinnelag ansvaret for vidare handsaming av saka.

Ved oppløysing av lokallag skal laget sine middel/midla stå urørt i 3 år og forvaltast av fylkesstyret. Dersom det i denne perioden vert skipa nytt lag med same føremål i kommunen/bygda, går det førre laget sine midlar vederlagsfritt til det nye laget. Vert det ikkje skipa nytt lag i dette tidsrommet, går midlane til Norges Bygdekvinnelag der dei setjast på fond til oppstarting av nye lag. Laget sitt arkiv skal gå til det respektive fylkeslaget. Laget sine øvrige eigendelar skal fordelast av lokallagsstyret. Fast eigedom skal gå til det respektive fylkeslaget.

## § 17

# Samanslåing av lokallag

---

Vedtak om samanslåing med eit anna lag må fattast i årsmøtet med 3/4 fleirtal av årsmøtet sine frammøtte medlemmer. Frammøte må vere minst 50% av medlems-talet. Norges Bygdekvinnelag og fylkeslaget skal ha skriftleg melding om forslag om samanslåing av lokallag seinast 1 måned før årsmøtet. Vert laget slått saman med eit anna lag går formue, fast eigedom og arkiv til det nye laget.

# REGLAR OG INSTRUKS

## for valnemnder

### I Val av valnemnd

- a) Norges Bygdekvinne­lag sitt landsmøte vel 1 representant med personleg vararepresentant, til valnemnda, frå kvar av dei 4 valgsonene:
- Finnmark, Troms, Nordland, Nord-Trøndelag og Sør-Trøndelag
  - Møre og Romsdal, Sogn og Fjordane, Hordaland og Rogaland
  - Vest-Agder, Aust-Agder, Vestfold, Østfold og Telemark
  - Oppland, Hedmark, Buskerud og Akershus
- b) Årsmøta i fylkeslag og lokallag vel ei valnemnd på 2-3 medlemmer og 1-2 varamedlemmer.
- c) Landsmøtet/årsmøtet skal velgje leiar og nestliar blant dei valde medlemmene av valnemnda.
- Valget av medlemmer og varamedlemmer gjeld for 2 landsmøte-/årsmøteperiodar, medan leiar og nestleiar vert peika ut for 1 landsmøte-/årsmøteperiode. Ved første nyval går halvparten av medlemmane ut ved lodd­trekning, slik at halvparten av medlemmene er på val annan kvar valperiode.

### II Valnemnda sitt arbeid

- a) Valgnemnda skal leggje fram innstilling for landsmøtet/årsmøtet jfr. vedtektene §6 g.
- b) 1. Valnemnda si innstilling skal liggje føre seinast ved utsending av ordinære saksdokument til landsmøte-/årsmøte­representantene.
2. Ved ekstraordinære høve kan valnemnda fremje si innstilling under Landsmøtet/årsmøtet.
- c) Lokal- og fylkeslag kan fremje forslag om personar til sentrale tillitserv. Desse må vere valnemnda i hende seinast 2 månader før landsmøtet/årsmøtet.
- d) Valnemnda sin leiar har møte- og talerett i landsmøtet/årsmøtet under behandling av sakene valnemnda innstiller til.
- e) Norges Bygdekvinne­lag sin general­sekretær fungerer som sekretær for den sentrale valnemnda.

# VEDTEKTER

## for Bygdekvinne­ne sitt hjelpefond

- a) Bygdekvinne­ne sitt Hjelpefond har som føremål å hjelpe jordbrukarar og/eller medlemmar av Norges Bygdekvinne­lag som grunna sjukdom, uhell, ulykke eller personlege kriser har ført til økonomiske og/eller andre vanskar.
- b) Midlane i fondet er stort sett gåver frå lokallaga. Dei skal disponerast av eit eige styre. Det skal til ei kvar tid vera att minst kr 250.000,- i fondet. Kapitalen kan berre disponerast i samråd med styret i Norges Bygdekvinne­lag.
- c) Arbeidsutvalet i Norges Bygdekvinne­lag er styret i Bygdekvinne­ne sitt Hjelpefond. Sekretariatet i i Norges Bygdekvinne­lag er sekretær for fondet. Styret er vedtaksføre når minst 2 av medlemmane er til stades.
- d) Det skal haldast 2 til 3 styremøte i året, fleire dersom det er mange søkjarar. Søknadene skal sendast til Bygdekvinne­ne sitt Hjelpefond v/styret på fastlagt skjema og handsamast konfidensielt.

#### SØKNAD OM BIDRAG SKAL INNEHALDE:

- opplysningar om kva pengane skal brukast til
- opplysningar om søkjaren og økonomi hans eller hennes
- opplysningar om søkjaren sitt jordbruk i dei tilfella det er aktuelt

Styret i hjelpefondet har rett til å innhente opplysningar om saken. Søkjaren må gje namn på personar/referansar, der einmå vere offentleg tilsett, som kan kontaktast når styret i hjelpefondet ynskjer fleire opplysningar. Søknadsskjemaet må vere fullstendig utfylt for at søknaden skal bli handsama.

- e) Hjelpefondet sitt rekneskap skal førast på same stad som Norges Bygdekvinne­lag sitt rekneskap. Pengane skal betalast ut så snart som råd etter vedtak i fondsstyret. I hastesaker har leiaren i fondet fullmakt til å godkjenne søknadene. Utbetalingar skal tilvisast av den som til ei kvar tid har tilvisningsrett i Norges Bygdekvinne­lag sitt sekretariat. Rekneskapen skal reviderast av landsmøtevalt revisor.
- f) Årsmelding med oversikt over både mottekne og utdelte midlar og revidert rekneskap, skal leggjast fram for Norges Bygdekvinne­lag sitt landsmøte.
- g) Endringar av desse vedtektene skal berre gjerast på ordinært årsmøte i Norges Bygdekvinne­lag med 2/3 fleirtal. Framlegg til endringar av vedtektene skal vera sendt fylkeslaga til uttale 3 månader før landsmøte tek til.



# Bygdekvinnelaget sine etiske køyrereglar

---

- Vi skal respektere kvarandre
- Vi skal vere opne og ærlege
- Vi skal vise engasjement
- Vi skal vere lojale mot avtalar og avgjersler
- Vi skal skape stoltheit og glede



**Norges Bygdekvinnelag 2016**

**[www.bygdekvinnelaget.no](http://www.bygdekvinnelaget.no) - [post@bygdekvinnelaget.no](mailto:post@bygdekvinnelaget.no)**

Trykkeri og layout: Flisa Trykkeri - [www.flisatrykkeri.no](http://www.flisatrykkeri.no)